

Cartulaire de l'abbaye de Gorze, Nr. 35

Venerabili in Christo Optario, abbati de monasterio quod vocatur Gonia, una cum universis fratribus ibi commorantibus, Sigeramnus precator. Cognoscatis, dum et omnibus non habetur incognitum, qualiter ego ecclesiam vestram in honore sancti Andree constructam in villa Gaugiaco per beneficium tenui, et postea spontanea voluntate ipsam ecclesiam per meum gladium vobis reddidi. Iterum vos, per caritatis vestre studium et per petitionem meam, ipsam ecclesiam michi beneficiastis, una cum hoc quicquid ad ipsam ecclesiam obtingere vel pertinere videtur. Postea hanc epistolam manu mea firmatam vobis emisi, ut usus meus una preiudicio ad partem sancti Petri generare non debeat, sed ipsam ecclesiam valeam excolere, et post discessum meum, cum omni superposito, quicquid supra inventum elaboratum fuerit, pro firmitatis studio, ut omnes altercationes postpositas, duas epistolas uno tenore conscriptas ex hoc fieri rogavi, et censum annis singulis ad festivitatem sancti Gorgonii, quod est V idus septembris, denarios de argento VI dare faciam; et si de ipso censu negligens aut tardus apparuero, ipsum censum in loco restituam, et de ipsa ecclesia vel de ipsis rebus expoliatus esse non debeo. Facta precaria anno quo supra. Signum Sigeranni, qui hanc precariam fieri et firmare rogavit; S. Leutheridi, vicedomini; S. Saraghanni; S. Althelini; S. Bliehingi; S. Godalsaci; S. Eusebii; S. Gludegaugii; S. Emmebini. Ego Willifridus scripsi et subscripsi.